

元和縣志卷之二十一

宦績

漢多循吏班史所謂凡事簡易與民休息所居民富所去民思者是也唐代如陽城何易于之屬猶循斯義後以催科撫事判而爲二且左牽右掣救過不遑雖有卹民之心而未能徑行煦育求如古人臣之盡職蓋亦難矣然能於催科之中寓撫字之意持躬廉潔聽斷不枉則亦未嘗無循吏焉元和自雍正二年分縣於今二十

元和縣志

卷二十一

宦績

一

六年令丞及尉涖斯土者班班可考采月旦之公評字繡衣之攸好就其敏於任事能以牧民爲心者紀其政績而其餘概從闕如彰直道也後之居官者循是考之以求無背於曰清曰慎曰勤之義是亦前事之師也夫至儒學訓導之訓士亦不後於縣尹之治民此又以經術爲本原者已志宦績

江之煒

之煒涖任後以去惡爲首務如訟師奸吏打降

三者得其實務嚴治之曰鋤根莠正以培嘉禾也邑中紳士之植品而多譚者卷心延訪訓教我未死是吾師也學宮歲久漸就傾圮率乞勸導捐資修復告成之日釋奠鼓徵遠近觀禮稱彬彬焉後以註誤去任民常思之

朱奎揚

奎揚敏於聽訟能色聽辭聽直決是非遇奸猾之尤者不動聲色婉曲引誘得其情實奸民悚然曰我輩以訟爲飲食目中未嘗見此發奸擿

元和縣志

卷三十一

宦績

伏者也吳民每以假命圖賴告詰不已往往破家而奸人得於其中取利奎揚嚴絕之能化大事爲小事化小事爲無事任三年大吏以其績聞於

朝陞署淮安府事

張若熾

若熾涖官慈祥廉明以實心爲本每決獄事無鉅細必反覆推勘謂堂下人畏威備有枉屈後雖悔無及也久之入服其真誠不敢有欺之者

而他邑疑獄大吏多委決讞云昭平允焉境內
有版荒八十餘頃不能種植民久賠累若熾中
文大吏照

恩詔裁減崑新兩縣浮糧之例請題減額民咸感戴
他如重賞獲巨盜分俸給貧生鋤奸逆問旅有
古循吏風宰邑七載因勞致疾乾隆五年春以
病乞假民攀轅不得陳情督撫題達願病痊補
官日仍任元和此民之公心也

黃建中

元和縣志

卷二十一

宦績

三

作令慈詳伉直聽獄明慎不輕責一人罪實而
情可原者薄徵之遇不孝不義之事則怒形於
色畧無姑息不阿上官依理而行尤重學校以
爲士者民之坊教者政之本時進諸生誨以敦
倫立品縣試務拔真才披閱不倦所取前列多
有登科第者去官之日士庶無不流涕

李永書

蒞官數月整飭官方持己以廉聽訟以慎吏民
無不愛敬秉燭視事常至達旦案無留牘革除

陋規以清來自勵待胥吏未嘗專任威嚴和平
雖厚中鑑若水鏡胥吏自不敢欺敬士儲才士
之以訟訟者勸其讀書毋于戶外古所謂清慎
勤者公無媿焉

孫耀德

治元和最久居心平和不爲刻嚴行以治清譽
獄有疑必詳審後決嘗謂居官理衆不在依違
二三而在虛心體察致使殺之而不愆縱之而
不背不假手吏胥吏胥無由因緣爲奸貧不能
治裝至典質以行又可知其廉潔之操矣收漕
寬厚糴戶德之以艱歸

許治

居官和惠廉明聽訟無疾言厲色民得竟其說
申其情曲直判而兩造輸服試諸童取理醇法
正曰此心術所關進身之始也潔清自矢夔廉
外無纖毫染指而收漕一事尤德於民元和土
厚農勤米本圓潔乾隆十六年以濱海下邑入
京倉者米多霉變因御史言令州縣加意選收

各省州縣兢兢小心惟恐誤收低米出兌受旗
丁之侮存倉有霉變之虞不得不嚴行駁換道
遠而費鉅致完漕遂爲畏途公視米色苟佳隨
到隨收課額早足絕無霉變人比之馬伸之在
郟縣馮元淑之在浚儀云

吳中衡

考課有法文章得之家傳工駢體時以授諸生
爲陳文肅公大受所知以公事檄理督視育嬰
堂丈步上江兩縣蘆洲平時知其勤而無私也

元和縣志

卷二十一

宦績

五

捐俸修于清端公成龍祠贖盜賣祠田覺羅雅
公爲記嘉之監紫陽書院深得士心院設朱子
位春秋釋采詳撥震澤田租羨銀供費禘祀張
清恪公伯行

費天修

居官勤敏教士端嚴學官後舊有玉帶河年久
淤塞形家謂長元兩邑因此科目稀少天修首
爲捐俸勸募開濬自是鄉會雋者漸多虎邱唐
宋五賢祠屋宇傾頽天修捐俸修整二十一年

郡中染疫設藥局以療貧民刻醴泉集以課諸生以憂去職

王廷嵩

待士和易遇事鯁直文章師法前民生童得所準則歲科新進例有薄贄以佐首藉盤從前司鐸者或至露斷而爭君貧者不取富者厚薄聽之俸入不足供薪木典渴以用鄙棄時習非素交慶弔不赴署元和一如在長洲時監紫陽書院端厚勤謹士樂其寬院長重其行大吏愛其

元和縣志

卷二十一

宦績

六

廉